



Broj: 09-20-11-2-2956
Sarajevo, 15.12.2022. godine

Na osnovu člana 43. a u vezi člana 45. stav 2. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj:39/14) i preporuke Komisije za provođenje konkurentskih i pregovaračkih postupaka nabavki u 2022. godini, zamjenik direktora Federalne uprave policije d o n o s i

O D L U K U

o izboru najpovoljnijeg ponuđača za javnu nabavku „Nabavka radova rekonstrukcije prostorija u objektu B na policijskoj akademiji Vrace koji koristi Federalna uprava policije“

I

Prihvata se prijedlog Komisije za provođenje konkurentskih i pregovaračkih postupaka nabavke, u postupku javne nabavke „Nabavka radova rekonstrukcije prostorija u objektu B na policijskoj akademiji Vrace koji koristi Federalna uprava policije“, te se ugovor dodjeljuje ponuđaču „**KOLINVEST**“ d.o.o Sarajevo čija ponuda nakon provođenja e-aukcije iznosi 37.100,00 KM bez PDV-a, odnosno 43.407,00 KM sa PDV-om.

II

Za izvršenje Odluke zadužuje se Sektor za materijalno- finansijske poslove.

III

Ova Odluka objaviće se na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

IV

Ova Odluka stupa na snagu danom donošenja.

O B R A Z L O Ž E N J E

Federalna uprava policije je provela konkurentski postupak javne nabavke „Nabavka radova rekonstrukcije prostorija u objektu B na policijskoj akademiji Vrace koji koristi Federalna uprava policije“, broj Obavještenja o javnoj nabavci: 1412-7-3-303-3-160/22 od 24.11.2022. godine.

Javna nabavka je provedena putem konkurentskog zahtjeva za dostavu ponuda.

Procjenjena vrijednost nabavke iznosi 31.794,87 KM bez PDV-a.

Postupak je provela Komisija za provođenje konkurentskih i pregovaračkih postupaka nabavki u 2022. godini, imenovana Rješenjem zamjenika direktora Federalne uprave policije broj: 09-19/1-30-2-46 od 14.01. i 15.11.2022. godine.

U postupku je utvrđeno da je Komisija u svemu pravilno postupila, te da je preporuka o izboru najpovoljnijeg ponuđača, data u skladu sa Zakonom o javnim nabavkama i tenderskom dokumentacijom.

Također, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponuda i ocjenu kvalifikovanosti ponuđača, a o čemu je sačinila odgovorajuće zapisnike, u kojima je utvrđeno sljedeće:

- da su zaprimljene tri (3) ponude, koje su ujedno i blagovremene, i to ponuđača: „KOLINVEST“ d.o.o Sarajevo, „GENERAL CONSTRUCTION“ d.o.o. Sarajevo i „GALBOLS“ d.o.o Sarajevo,
- da nije bilo neblagovremeno zaprimljenih ponuda;
- da je Komisija konstatovala da su ponude ponuđača: KOLINVEST“ d.o.o Sarajevo i „GENERAL CONSTRUCTION“ d.o.o. Sarajevo formalno-pravno ispravne, te da iste ispunjavaju sve tražene uslove iz tenderske dokumentacije,
- da je Komisija konstatovala da ponuda ponuđača GALBOLS“ d.o.o Sarajevo formalno-pravno nije ispravna obzirom da je tačkom 2.2. stav b) tenderske dokumentacije traženo da se u svrhu dokazivanja ekonomske i finansijske sposobnosti dostavi dokaz da je transakcijski bankovni račun ponuđača aktivan u periodu zadnjih 6 mjeseci, što navedeni ponuđač nije uradio, te je isti isključen iz dalje procedure,
- da je Komisija je izvršila matematsku kontrolu cijena navedenih u Aneksu II, te utvrdila da je ponuda ponuđača „KOLINVEST“ d.o.o Sarajevo matematski ispravna, dok je ponuda ponuđača „GENERAL CONSTRUCTION“ d.o.o. Sarajevo matematski neispravna nakon čega je zatražena saglasnost navedenog ponuđača za ispravku uočenih greški u skladu sa jediničnim cijenama,
- da je ponuđač „GENERAL CONSTRUCTION“ d.o.o. Sarajevo dana 09.12.2022. godine dostavio saglasnost za ispravku računске greške,
- da je Komisija u svrhu provođenja postupka e-Aukcije, dana 09.12.2022. godine, dostavila Sektoru za materijalno- finansijske poslove listu prihvatljivih ponuda,
- da je Komisija zaprimila akt sa Izvještajem o toku i završetku e-Aukcije, u kojem je navedeno da je napovoljniji ponuđač u predmetnom postupku javne nabavke ponuđač „KOLINVEST“ d.o.o Sarajevo čija ponuda nakon provođenja e-aukcije iznosi 37.100,00 KM bez PDV-a,
- da je Komisija uputila akt Sektoru za materijalno-finansijske poslove uz traženje izjašnjenja da li se u budžetu mogu obezbjediti dodatna finansijska sredstva za potpisivanje ugovora obzirom da je cijena najpovoljnije ponude veća od procijenjene vrijednosti predmetne nabavke,
- da je Sektor za materijalno-finansijske poslove dostavio odgovor broj 20-20/1-11-2-2956 od 14.12.2022. godine u kome je navedeno da je moguće osigurati dodatna sredstva (iznad procijenjene vrijednosti nabavke) za potpisivanje ugovora o nabavci, nakon čega je Komisija, u skladu sa kriterijumom za dodjelu ugovora u konkretnom postupku nabavke - najniža cijena, dala preporuku o izboru najpovoljnijeg ponuđača (ponuđač „KOLINVEST“ d.o.o Sarajevo čija ponuda nakon provođenja e-aukcije iznosi 37.100,00 KM bez PDV-a),

- da je ponuđač „KOLINVEST“ d.o.o Sarajevo u ponudi dostavio i dokaze tražene tačkom 2.2. b) Tenderske dokumentacije, a što je moglo biti dostavljeno i naknadno u roku tri (3) dana od zaprimanja obavještenja o izboru najpovoljnijeg ponuđača u predmetnom postupku.


Iz navedenih razloga odlučeno je kao u dispozitivu ove Odluke.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od pet (5) dana od dana prijema ove Odluke.

**ZAMJENIK DIREKTORA
Generalni inspektor policije**

Ehsad Korman



Dostaviti:

- Sektor za mat. fin. poslove
- ponuđačima
- u spis